

BYROJA KOSOVARE E SIGURIMIT - BKS
KOSOVSKI URED OSIGURANJA - KUO
KOSOVO INSURANCE BUREAU - KIB

Nr. 747/22 Dt. 02.08.22
PRISHTINË



**RREGULLORE PËR DELEGIMIN E TRAJTIMIT TË DËMEVE NGA FONDI I
KOMPENZIMIT**

Prishtinë, 2022

Bazuar në nenet 18, 19, 20, 21, 22, 25 dhe 32 të Ligjit Nr. 04/L-018 “Për sigurimin e detyrueshëm nga autopërgjegjësia” dhe vendimit të Asamblesë së Përgjithëshme të Byrosë Kosovare të Sigurimit nr.832/21dt. 22.07.2021, Asambleja e Përgjithëshme e Byrosë Kosovare të Sigurimit me datë 27.05.2022 nxjerrë këtë:

**RREGULLORE
PËR DELEGIMIN E TRAJTIMIT TË DËMEVE NGA FONDI I KOMPENSIMIT**

Dispozitat e Përgjithshme

**Neni 1
Qëllimi dhe Fushëveprimi**

Qëllimi i kësaj rregulloreje është delegimi i trajtimit të dëmeve nga Byroja Kosovare e Sigurimit (tani e tutje BKS) tek anëtarët e saj, për dëmet e shkaktuara nga përdorimi i mjetit motorik të pasiguruar, mjeti motorik i pasiguruar me regjistrim të huaj, nga përdorimi i mjeteve të paidentifikuara, në rast të likuidimit apo falimentimit të siguruesit (sipas dispozitave të neneve 18, 19, 20, dhe 21 të Ligjit Nr. 04/L-018).

**Neni 2
Përkufizimet**

Të gjithë përkufizimet e pëdorura në këtë Rregullore kanë kuptimin e dhënë në ligjin nr. 04/L-018 “Për sigurimin e detyrueshëm nga autopërgjegjësia” si dhe Rregulloreve dhe legjislacionit tjetër në fuqi.

**Neni 3
Klasifikimi i rasteve për trajtim të dëmeve**

Dëmet e shkaktuara klasifikohen sipas kësaj rregulloreje si më poshtë:

Dëmet e shkaktuara nga përdorimi i mjetit motorik të pasiguruar, mjeti motorik i pasiguruar me regjistrim të huaj, nga përdorimi i mjeteve të paidentifikuara, në rast të likuidimit apo falimentimit të siguruesit.

**Neni 4
Pranimi dhe Delegimi i Dosjeve të Dëmeve**

1. Kërkesat për kompensim dëmi të përcaktuar sipas nenit 3 të kësaj rregullore palët e dëmtuara, kërkesën për zhdëmtim duhet ta parashetrojnë BKS-së.
2. Pas pranimit të kërkesës, BKS regjistron kërkesën në Sistemin e Dëmeve pranë BKS.
3. Sistemi i dëmeve, në mënyre automatike, rastësore, ia delegon anëtarit sigurues trajtimin e kërkesës për zhdëmtim, sipas kriterit si më poshtë:

- a. Nëse i dëmtuari, ka policë të sigurimit nga autopërgjegjësia, trajtimi i kërkesës do të bëhet nga ndonjë anëtarë tjetër, duke e përjashtuar Siguruesin e tijë.
 - b. Varësisht nga Data e Aksidentit në proporcion të drejtë me pjesmarrjen në treg të sigurimit TPL të atij siguruesi, kërkesa në mënyrë rastësore automatike nga sistemi, do ti delegohet anëtarit sigurues për trajtim.
4. Me rastin e regjistrimit të kërkesës në sistem, dhe në momentin e përzgjedhjes së anëtarit për trajtim, Sistemi në mënyrë automatike i dërgon njoftim (E-Mail), anëtarit se i është deleguar rasti për trajtim, duke e ftuar për të tërhequr lëndën nga BKS për trajtim të mëtutjeshëm.
 5. Sistemi në mënyrë automatike së bashku me njoftimin, ftesën i dërgon anëtarit sigurues edhe Autorizimin që të ndërmarr të gjitha hapat ligjore në emër dhe në llogarit të BKS, respektivisht Fondit të Kompensimit.
 6. Anëtarit trajtues, pas pranimit të njoftimit, detyrohet që kërkesën e paraqitur ta tërheq nga BKS për trajtim të mëtutjeshëm, konform legjislacionit në fuçi, me të cilin rast, anëtarit trajtues obligohet që të rrespektoj afatet ligjore të trajtimit dhe njoftimit lidhur me secilin rast veç e veç.
 7. Në mënyrë automatike do të gjenerohet formati i evidencës për dorëzim – pranim të kërkesës për zhdëmtim e cila do të nënshkruhet ndërmjet zyrtarit të BKS-së dhe zyrtarit të Anëtarit Trajtues.
 8. Përkitazi me rastet gjyqësore, në momentin e pranimit të padisë, pas regjistrimit të lëndës në sistem nga ana e BKS-së, në mënyrë automatike do të njoftohet anëtarit trajtues e cila do të jetë në dispozicion për tërheqjen e padisë nga ana e anëtarit, konform procedurës së lartshënuar.
 9. Rrjedhja e afateve ligjore, fillon nga momenti i dërgimit të njoftimit me E-mail tek anëtarit sigurues.

Neni 5

Trajtimi i dëmeve nga Kompanitë e Sigurimit

1. Kompania e sigurimit për trajtimin e dëmeve zbaton dispozitat e Ligjit “Për sigurimin e detyrueshëm nga autopërgjegjësia” dhe procedurat e përcaktuara në “Rregulloren mbi procedurat e trajtimit të kërkesave për kompenzimin e dëmeve që rrjedhin nga sigurimi i detyrueshëm nga autopërgjegjësia” si dhe në rregullativën tjetër ligjore.
2. Secili Anëtarë Trajtues do të ketë qasje në sistemin e dëmeve të BKS-së vetëm për lëndët e deleguara tek ai, me qëllim të menaxhimit të lëndës.
3. Anëtarit trajtues pas pranimit të dosjes së lëndës, obligohet që të bëjë evidentimin e rezervës së dëmit në sistemin e dëmeve të BKS-së.
4. Anëtarit Trajtues obligohet që në vazhdimësi varësisht prej rrethanave të bëjë përditësimin e rezervës në përputhje me kornizën ligjore për evidentimin rezervave.
5. Kontestet gjyqësore do të përfaqësohen nga anëtarët sigurues të cilëve u janë deleguar kërkesat.

Neni 6

Administrimi për pagesë nga BKS

1. Pas nënshkrimit të marrëveshjes gjyqësore apo jashtgjyqësore, brenda ditës njoftohet BKS me një kopje të marrëveshjes si dhe urdhërtransferin e cila përgatitet nga zyrtari i anëtarit trajtues.
2. Pas pranimit të kopjes së marrëveshjes së bashku me urdhërtransferin, BKS ekzekuton marrëveshjen brenda afateve ligjore të parapara në marrëveshje.
3. Me rastin e pranimit të dëshmisë së pagesës së dëmit, BKS e njofton anëtarin trajtues përkitazi me dëshminë e pagesës, ndërsa evidentimi i pagesës bëhet nga ana e BKS-së.
4. Komunikimi e do të kryhen nëpërmjet personave të autorizuar nga secili anëtarë dhe Byroja.
5. Pas njoftimit lidhur me pagesëm, dosja e dëmit të trajtuar dhe paguar, brenda afatit 10 ditësh kthehet pranë BKS për arkivim dhe inicim të procedurës së rimbursimit sipas praktikave të BKS.

Neni 7 Njoftimet nga Byroja

1. Byroja brenda datës 1-10 të çdo tremujori i dërgon të gjithë anëtarëve një evidencë analitike për dëmet totale të trajtuara dhe paguara të parashikuar në nenin 4 të Rregullores.
2. Byroja çdo tre muaj, bën raportimin midis pagesave të kryera dhe detyrimit përkatës të çdo kompanie sigurimi për fondin e kompensimit dhe informon anëtarët lidhur me administrimin, financimin, gjendjen në fund të tremujorit dhe nevojat për fond shtesë, sipas kornizës ligjore e cila rregullon financimin e Fondit të Kompensimit.

Neni 8 Kompensimi i dëmit në rast të mbylljes apo falimentimit të anëtarit sigures

1. Me fillimin e procedurës së likuidimit, pala e dëmtuar ka të drejtë të paraqes kërkesën për dëshmipërblim pranë Likuidatorit. Pas përfundimit të procedurës së likuidimit dhe falimentimit, bazuar në vendimin e plotfuqishëm të organit kompetent, kërkesat e pashqyrtuara dhe të pa trajtuara nga komisioni likuidues, automatikisht barten tek BKS. Për këto kërkesa nuk rrjedhin afatet e parashkrimit gjatë procedurës së likuidimit dhe falimentimit.
2. Mënyra e delegimit për trajtim të lëndëve të specifikuara sipas paragrafit paraprak, rregullohet sipas nenit 4 të kësaj rregulloreje.

Neni 10 Rimbursimi

Byroja Kosovare e Sigurimit është kompetente për administrimin e procedurës së rimbursimit sipas legjislacionit dhe rregullativës në fuqi.

Neni 11
Raportimi në BQK

Byroja Kosovare e Sigurimit raporton në Bankën Qendrore të Kosovës brenda datës së përcaktuar dhe formës raportuese të kërkuar pasqyrën përmbledhëse të dëmeve të raportuara, të paguara dhe pezull, në numër dhe në vlerë të ndara në dëme materiale dhe jomateriale si dhe informata të tjera që mund të kërkohen;

Neni 12
Dispozita përfundimtare

1. Regjistrimi në Byro për qëllim raportimi bëhet për dëmet e parashikuara në nenin 4 të kësaj Rregullore ne të gjitha rastet.
2. Trajtimi i dëmeve të përcaktuara në këtë Rregullore fillon të zbatohet për dëmet e raportuara nga data xx.xx.xxxx e tutje.

Neni 23
Hyrja në fuqi

Kjo rregullore hyn në fuqi në ditën e miratimit të saj nga Asambleja e Përgjithshme e Anëtarëve të Byrosë Kosovare të Sigurimit.


Agim Elshani
Kryesuesi i Asamblesë së Përgjithshme të Anëtarëve



Prishtinë,
Datë 27.06.2022